

11. TI JEAN, LOULOU, AVEC SOUNGOULA

Un jour ti ennan un bougue appeller Ti Jean, qui ti un chasseur, et ti ennan un loulou qui ti rester presque au bord li. Ti Jean et Loulou ti bien ensemble. Alors zotte faire un larrangement zotte deux. Loulou i dire avec Ti Jean. "En nous faire la chasse ensemble nous deux, moi prend tout depuille zibier qui nous touiller et ou prend tout le corp." Ti Jean i bien d'accord avec sa l'arrangement, et zotte faire un grand la seine et la dans zotte attrappe tout sorte qualiter z'animaux, et tout les jour zotte partage pareille zotte n'arranger.

Zotte faire ca pendant 4 ans, et pendant sa temp, Ti Jean tine gagne le temp marier. Un jour femme Ti Jean i dire avec li qui i envie mange depouille bande z'animaux qui i attrapper un coup parceque i fatiguer mange juste la viande. Ti Jean i dire qui pas capab parceque i ennan un l'arrangement pour prend juste la viande avec son dallon. Mais femme i encolere et i jaloux. I dire: "Ou menti, i ennan l'autre femme, ou donne li plus bon la viande qui moi. Ou plus content ou l'autre femme ou donne li plus bone la viande qui moi tous les jours mon mange la viande tandi qui ou l'autre femme i gagne bon depouille. Mon pas croire du tout sa qui ou dire moi." Ti Jean i essay explique li, mais ou conne femme lere zotte pas oule comprend, femme Ti Jean aussi ti pareille. I tine si tant jaloux qui i devider alle veille Ti Jean lere zotte alle la chasse.

Alors in jour i suivres Ti Jean dernier, et alors comme i pas ti connais cotte la seine qui loulou ecque son mari tine mettre i ete, ine batte la dans et ine prix. Et i pas capan sorti. Pauvre femme ine besoin passe la journee dans la trappe.

Lere Ti Jean et Loulou i vine partage bande gibiers, zotte oir femme la dans. Loulou i batte son la bouche, mais Ti Jean pas dire narien. I juste guette son femme. Ti Jean i commence partage bande zibier pareille zottte l'habitude. Mais i mette son femme decotes. Loulou i dire "mais Ti Jean partage i mal auzordi". Ti Jean i dire, "Qui maniere i mal Loulou." Loulou i dire "be sa femme qui la ine pris dans la seine faudrait partager" Ti Jean i dire "Be mon frere comment mon pour capable touille mon femme." Loulou i dire mon pas connais, l'arrangement

c'est l'arrangement". Loulou et Ti Jean i commence dispute, femme sa lere ine peur, ine faire son liyeux claire.

Le temps zotte pe dispute un bougue apeller Francois Malin, alias Soungoula i traverser. I dire "Be qui'ne arriver ici, deux grand noir comment zotte pe dispute pareille femme la riviere?" quine arriver. La Ti Jean et Loulou i raconte li et loulou i dire "Soungoula ou capab juge sa z'affaire et dire lequel qui ennan enna raison.

Soungoula i dire: "Loulou ou sur qui sa femme ti dans la seine." Loulou i dire oui mon sure." Soungoula i dire: "Sa faudrait la preuve conviction," loulou montrer moi qui maniere sa femme ti dans la seine." Loulou grand bette i entre dans la seine et Soungoula i ferme li. Soungoula i dire avec Ti Jean et sone femme alle chez zotte. Li y alle coupe in gros baton piquant et i commence batte loulou avec letemps pauvre loulou i dans la seine. "Ein ou ennen, Ein ou ennan toupe, un animaux comment ou ouler mange du sang femme la moi donne ou di sang et depouille femme." Soungoula i batte loulou i batte meme. Loulou i faible mais enfin ine capan sorti dans la seine. I driver. Soungoula i oir qui loulou ine sorti et pe drive cote cotte li, i peur i trailler et i bague dans un trous roche qui ti au bord la meme. Loulou i drive et en arrivant cotte trou roches i tombe i mort. Mais soungoula i voir loulou ine tombe mais i pas croire qui loulou ine mort. I dire: "Moi laisse li mort, apres moi sorti". Soungoula i espere in jour et loulou i encore la et lafin pe bague I dire: "Moi mon brave, sa loulou ine mort i pas capable faire moi narien", i commence sorti. Mais i retourner, "Commeçi son la queu ine bouger, moi espere mort apres moi sorti". Deux jour Soungoula i faire la. "ein, ein sa loulou ine mort. Mon lafim moi sorti," Soungoula i vine 4 pas. Son la tete son papa, i pa mort commeçi mon oir li batte son liyeux." I ouler touille moi mais moi mon malin, i pas pour gagne moi. Soungoula i veille loulou pour aller. Mais Loulou pas alle ditout. Et la lamort qui prend Soungoula dans trou roche. Ou oir, trop macro avec femme.